



Broj: 12-30-3728-1/24
Sarajevo, 2. 12. 2024. godine

Na osnovu člana 21. stav 1. i člana 32. Zakona o reviziji institucija u Federaciji Bosne i Hercegovine („Službene novine Federacije BiH“, broj: 22/06), člana 10. Pravilnika o radu u Uredu za reviziju institucija u Federaciji Bosne i Hercegovine, broj: 12-02-3-3823/22 od 22. 12. 2022. godine i Odluke generalnog revizora Ureda za reviziju institucija u Federaciji Bosne i Hercegovine, broj: 12-30-3728/24 od 2.12.2024. godine, raspisuje se

OGLAS

za popunu upražnjenog radnog mjesta u Uredu za reviziju institucija u Federaciji Bosne i Hercegovine

I. RADNO MJESTO :

SAMOSTALNI REFERENT ZA ARHIVU I BIBLIOTEKU, 1 (jedan) izvršilac, za rad na neodređeno vrijeme

Opis poslova: vrši arhiviranje svih riješenih predmeta i akata; vodi arhivsku knjigu kao opći inventarski pregled cjelokupnog arhivskog materijala nastao u radu Ureda za reviziju u toku kalendarske godine, u skladu sa zakonom i drugim propisima; vodi urednu evidenciju o upotrebi (davanje i povrat) propisa, stručne literature i dokumentacije u okviru biblioteke; vrši predaju materijala nadležnom arhivu i likvidaturu arhivske građe u skladu s važećim propisima; obavlja i druge poslove po nalogu neposrednog rukovodioca i generalnog revizora.

II. OPĆI USLOVI

Kandidati treba da ispunjavaju opće uslove predviđene članom 33. Zakona o reviziji institucija u Federaciji Bosne i Hercegovine („Službene novine Federacije BiH“, br. 22/06) i to:

- a. da je državljanin Bosne i Hercegovine;
- b. da je stariji od 18 godina;
- c. da ima odgovarajuće obrazovne i stručne kvalifikacije;
- d. da je zdravstveno sposoban (za obavljanje poslova radnog mjesta na koje se prijavljuje);
- e. da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini tri godine prije podnošenja prijave za zaposlenje;
- f. da se protiv njega ne vodi krivični postupak, niti da je pravomoćno osuđen na kaznu zatvora za krivična djela sa izuzetkom krivičnih djela protiv sigurnosti u saobraćaju, u skladu sa Krivičnim zakonom;
- g. da nije obuhvaćen odredbama člana IX.1. Ustava Bosne i Hercegovine.

III. POSEBNI USLOVI

Pored općih uslova kandidati moraju ispunjavati i posebne uslove predviđene Pravilnikom o unutrašnjoj organizaciji i sistematizaciji radnih mjesta u Uredu za reviziju institucija u Federaciji Bosne i Hercegovine i to: viša školska sprema društvenog smjera, položen stručni ispit za namještenike organa uprave i službi za upravu, položen arhivistički ispit, najmanje dvije godine radnog iskustva, od čega najmanje jedna godina na arhivističkim poslovima.

IV. POTREBNI DOKUMENTI

a) Prijava na Oglas dostavlja se na uredno popunjenom i svojeručno potpisanom prijavnom obrascu za Oglas Ureda za reviziju, koji se može dobiti u prostorijama Ureda za reviziju ili na web-stranici Ureda za reviziju: www.vrifbih.ba.

Uz prijavni obrazac, kandidati su dužni priložiti originale ili ovjerene fotokopije dokumenata:

b) Dokumenti o ispunjavanju općih uslova:

- uvjerenje o državljanstvu BiH (ne starije od šest mjeseci);
- izvod iz matične knjige rođenih;
- ljekarsko uvjerenje o zdravstvenoj sposobnosti (ljekarsko uvjerenje o zdravstvenoj sposobnosti dostavlja samo kandidat koji odlukom generalnog revizora bude izabran. Izabrani kandidat uvjerenje o zdravstvenoj sposobnosti dostavlja po okončanju oglasne procedure, a prije stupanja na rad);
- uvjerenje da se protiv kandidata ne vodi krivični postupak izdato od nadležnog suda (ne starije od tri mjeseca);
- uvjerenje da kandidat nije pravomoćno osuđen na kaznu zatvora za krivična djela sa izuzetkom krivičnih djela protiv sigurnosti u saobraćaju u skladu sa Krivičnim zakonom, izdato od nadležnog ministarstva unutrašnjih poslova, (dostavlja po okončanju oglasne procedure, a prije stupanja na rad, ne starije od tri mjeseca);
- izjava kandidata da nije obuhvaćen odredbama člana IX.1. Ustava Bosne i Hercegovine, ovjerena od strane nadležnog općinskog organa;
- izjava kandidata da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini tri godine prije podnošenja prijave za zaposlenje, ovjerena od strane nadležnog općinskog organa.

c) Dokumenti o ispunjavanju posebnih uslova:

- diploma više školske spreme društvenog smjera;
- uvjerenje o položenom stručnom ispitu za namještenike organa uprave i službi za upravu (dostavlja samo izabrani kandidat u toku trajanja probnog rada, a najkasnije u roku od šest mjeseci od zasnivanja radnog odnosa);
- potvrda o traženom radnom iskustvu (potvrda treba da sadrži opis i vrstu poslova koji su obavljani na poslovima u struci u trajanju od najmanje dvije godine, od čega najmanje jedna godina na arhivističkim poslovima);
- uvjerenje o položenom arhivističkom ispitu.

V. NAPOMENE

Mjesto rada je Sarajevo, Ložionička broj 3.

Proces izbora po ovom Oglasu provest će se u skladu sa odredbama člana 34. Zakona o reviziji institucija u Federaciji Bosne i Hercegovine („Službene novine Federacije BiH“, br. 22/06) i internim aktima Ureda za reviziju.

Izabrani kandidat pozvat će se da u primjerenom roku, a prije zasnivanja radnog odnosa u Uredu za reviziju, dostavi uvjerenje o zdravstvenoj sposobnosti za obavljanje poslova radnog mjesta i uvjerenje da kandidat nije pravomoćno osuđen na kaznu zatvora za krivična djela sa izuzetkom krivičnih djela protiv sigurnosti u saobraćaju u skladu sa Krivičnim zakonom, izdato od nadležnog ministarstva unutrašnjih poslova. O rezultatima Oglasa, kandidati će biti obaviješteni dostavom odluke o izboru i prijemu izabranog kandidata u Ured za reviziju. Sa izabranim kandidatom ugovorit će se probni rad.

Ako se na Oglas ne prijave osobe koje ispunjavaju propisane i objavljene uslove iz Oglasa, ili iz nekih drugih opravdanih razloga, generalni revizor može obustaviti postupak izbora po ovom Oglasu.

Sažetak Oglasa se objavljuje u dnevnim novinama „Dnevni avaz“ i „Večernji list“ a cjeloviti tekst Oglasa objavljuje se na web stranici Ureda za reviziju institucija u Federaciji BiH, www.vrifbih.ba.

Prijavu na ovaj Oglas, sa svim potrebnim dokumentima dostaviti najkasnije u roku od 30 dana, od dana posljednje objave ovog Oglasa u dnevnim novinama, lično ili preporučenom poštom, na adresu:

**„Ured za reviziju institucija u Federaciji Bosne i Hercegovine“
Ul. Ložionička br. 3,
71000 Sarajevo**

Na koverti sa prijavom obavezno naznačiti: „Prijava na Oglas - ne otvarati“.

Na poleđini koverte navesti ime i prezime podnosioca, adresu i kontakt telefon.

Nepotpune, neuredne i neblagovremene prijave neće se razmatrati.

U skladu sa Zakonom o reviziji institucija u FBiH, Ured za reviziju nema obavezu vraćanja zaprimljenih prijava na Oglas.

URED ZA REVIZIJU INSTITUCIJA U FEDERACIJI BOSNE I HERCEGOVINE